

BOSNA I HERCEGOVINA
FEDERACIJA BOSNE I HERCEGOVINE
OPĆINA LUKAVAC
OPĆINSKI NAČELNIK
SLUŽBA ZA BUDŽET I FINANSIJE
Broj: 04-04-6082/20
Lukavac, 11.01.2021. godine

Na osnovu člana 64. stav (1). tačka a), člana 70. stavovi (1), (3) i (6) Zakona o javnim nabavkama („Sl. glasnik BiH“, broj: 39/14) te Preporuke Komisije za provođenje postupka javne nabavke broj: 04-04-6082/20 od 08.01.2021. godine u otvorenom postupku javne nabavke softverskih licenci, Pomoćnik općinskog načelnika za Službu za budžet i finansije d o n o s i

ODLUKU **o izboru najpovoljnijeg ponuđača**

Član 1.

Prihvata se preporuka Komisije za provođenje postupka javne nabavke broj: 04-04-6082/20 od 08.01.2021. godine, te se Ugovor za javnu nabavku softverskih licenci dodjeljuje ponuđaču „**IMEL**“ d.o.o Lukavac, koji je dostavio ponudu broj: E-04.05.02-5528/20 od 22.12.2020. godine, za ponuđenu cijenu u vrijednosti od 44.207,00 KM bez PDV-a kao najpovoljnijem ponuđaču.

Član 2.

Ova odluka objavit će se na internet stranici ugovornog organa (www.lukavac.ba) istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

Član 3.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. stav (2) Zakona o javnim nabavkama.

Obrazloženje

Postupak javne nabavke pokrenut je Odlukom o pokretanju postupka javne nabavke broj: 04-02-6081/20 od 08.12.2020. godine. Javna nabavka sprovedena je otvorenim postupkom nabavke. Procjenjena vrijednost javne nabavke bez PDV-a je 45.000,00 KM.

Obavještenje o nabavci broj: 719-1-1-80-3-120/20 objavljeno je na Portalu javnih nabavki dana 08.12.2020. godine.

Komisija za provođenje postupka nabavke imenovana Rješenjem broj: 02-04-19-54/20 od 14.12.2020. godine dostavila je Zapisnik o pregledu i ocjeni ponuda broj: 04-04-6082/20 od 08.01.2021. godine, Preporuku o izboru najpovoljnijeg ponuđača broj: 04-04-6082/20 od 08.01.2021. godine i Izvještaj o radu broj: 04-04-6082/20 od 08.01.2021. godine.

Uvidom u Izvještaj o radu utvrđeno je da je Komisija za provođenje postupka nabavke izvršila otvaranje, pregled i ocjenu pristiglih ponuda, o čemu je sačinila odgovarajuće zapisnike, u kojima je utvrđeno sljedeće:

- da je u predmetnom postupku primljena 1 (jedna) blagovremena ponuda, a da neblagovremenih ponuda nije bilo;
- da je ponuda ponuđača „IMEL“ d.o.o Lukavac kvalifikovana i prihvatljiva, naime dostavljeni su svi traženi dokazi propisani tenderskom dokumentacijom, na propisan način.

U postupku je ocijenjeno da je Komisija u svemu pravilno postupila, te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i Tenderskom dokumentacijom.

Uvidom u tendersku dokumentaciju utvrđeno je da procijenjena vrijednost nabavke bez uključenog PDV-a iznosi 45.000,00 KM i da je kriterij za dodjelu ugovora ekonomski najpovoljnija ponuda u skladu sa sljedećim potkriterijima:

- a) Cijena 98 %
b) Rok plaćanja 2 %

Ponuđač „IMEL“ d.o.o Lukavac dostavio je prihvatljivu ponudu sa cijenom u iznosu od 44.207,00 KM bez PDV-a i rokom plaćanja 30 dana od dana prijema, te je primjenom kriterija ekonomski najpovoljnije ponude isti osvojio 100,00 bodova.

Zbog naprijed navedenog odlučeno je kao u članu 1. ove Odluke.

Pouka o pravnom lijeku:

Protiv ove Odluke može se izjaviti žalba, najkasnije u roku od 10 (deset) dana od dana prijema ove Odluke. Žalba se podnosi putem ugovornog organa, u pisanoj formi direktno ili preporučenom poštanskom pošiljkom na adresu: Općina Lukavac-Služba za budžet i finansije, Trg Slobode 1, 75300 Lukavac, a izjavljuje se Uredu za razmatranje žalbi u Mostaru. Žalba se podnosi u najmanje 3 (tri) primjerka.

Dostaviti:

1. „IMEL“ d.o.o Lukavac i
2. Arhivi.-



PO OVLAŠTENJU OPĆINSKOG NAČELNIKA
POMOĆNIK OPĆINSKOG NAČELNIKA

(Ovlaštenje broj: 02-30-6247/20 d 21.12.2020.)

Zuhdija Hrvatović, dipl. ecc.